



KO TE

KAHITI O NIU TIRENI.

HE MEA TA I RUNGA I TE MANA O TE KAWANATANGA.

PONEKE, TAITE, OKETOPA 13, 1910.

Whakaatu kua taka tetahi Whenua ki raro i Wahi XVI o te Ture Whenua Maori, 1909.

ISLINGTON, Kawana.

OTA A TE KAUNIHERA.

I te Whare o te Kawana, i Poneke, i tenei te tekau o nga ra o Oketopa, 1910.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA ko te Komihana e huaina nei i roto i tekiona rua rau e iwa tekau ma rima o te Ture Whenua Maori, 1909, i mua o te timatanga o taua Ture, i ripoata mai ki te Kawana, ko etahi whenua Maori, ara, ko nga whenua Maori e whakaaturia nei i roto i te Kupu Apiti ki tenei, me rahui hei mahinga hei nohoanga mo nga tangata no ratou :

Na reira, i runga i te whakahaerenga i nga mana kua whakawhiwhia ki a ia mo taua mahi e taua tekiona rua rau e iwa tekau ma rima, ko His Excellency te Kawana o te Tominiona o Niu Tireni, i runga i te tohutohu me te whakaae a te Kaunihera Whiriwhiri o taua Tominiona, tenei ka panui ko te whenua Maori e whakaaturia nei i roto i te Kupu Apiti ki tenei kua taka ki raro i Wahi XVI o taua Ture, timata atu i te ra i tubia ai tenei Ota Kaunihera.

KUPU APITI.

KATOA tera pihi tera wahi whenua ranei, kei roto i nga Takiwa Ruri o Maungaharuru me Moeangiangi, kei roto i te Takiwa Porowini o Haaki Pei, tona nui 1,300 nga eka, nui atu iti ihō ranei, ara ko tetahi wahi o Tutira Poraka, ara ko te whenua e ata whakaaturia ana e te mapi kua whakatakatoria ki te tari o te Poari Whenua Maori o te Takiwa o Ikaroa, kei Poneke, a he kowhai te kara i runga i taua mapi.

J. F. ANDREWS,
Karaka o te Kaunihera Whiriwhiri.

Whakawhiwhi Mana Whakawa ki te Kooti Whenua Maori.

ISLINGTON, Kawana.

OTA KAUNIHERA.

I te Whare o te Kawana, i Poneke, i tenei te tekau o nga ra o Oketopa, 1910.

Tu ana i reira :

KO HIS EXCELLENCY TE KAWANA I ROTO I TONA KAUNIHERA.

NOTEMEA kua meinga hei ture e tekiona rua tekau ma rima o te Ture Whenua Maori, 1909, ka ahei te Kawana i runga i te Ota Kaunihera ki te whakawhiwhi atu ki te Kooti, ano tonu me te mea nei na taua Ture i whaka-

Kahiti—A.

whiwhi atu, i tetahi mana whakawa mo ia take me ia tautohe ranei e pa ana ki nga whai taketanga o te Maori ki tetahi whenua taonga tinana ranei ; a hei reira ka tino whai mana ka tino whai kaha te Kooti ki te whakatau i taua take, tautohe ranei, kia hangai i runga i ta te ture.

A notemea tera etahi whenua i wehea mo nga Maori o roto i nga Parihi o Waioeka, Matata, Waiotahi me te Taone o Opotiki. A notemea e tika ana kia whakawhiwhia te Kooti Whenua Maori ki te mana e ahei ai ia ki te uiui ki te whakatau i nga Maori e tika ana, ki nga whenua e ata whakaaturia nei i roto i te Kupu Apiti ki tenei, a ki te whakatau hoki i nga bea mo ia tangata i roto i aua whenua.

Na reira, ko His Excellency te Kawana o te Tominiona o Niu Tireni, i runga i te whakahaerenga me te whakatutukitanga i nga kaha me nga mana kua whakawhiwhia nei ki a ia e wahanga-tekiona tahi o tekiona rua tekau ma rima o te Ture Whenua Maori, 1909, a i runga hoki i te tohutohu me te whakaae o te Kaunihera Whiriwhiri o taua Tominiona, tenei ka ota ka panui ko te uiuinga me te whakataunga o nga take kua huaina i runga ake nei, o etahi atu mea ranei e puta ake ana e pa ana ranei ki aua take, e tika ana ranei kia whakataua i runga i aua tikanga, me uru ki roto a tenei ka whakaurua ki roto ki te mana whakawa o taua Kooti. A tenei ka panuitia ko tenei Ota Kaunihera i mahia i raro i nga tikanga mo taua mahi kei roto i te Ture Whenua Maori, 1909, e mau ana, a ka whai mana ano he whakaaetanga na te Kawana i roto i tona Kaunihera ki nga whakahaerenga kua whakamanaia e tenei.

KUPU APITI.

	Parihi.	Tekiona.	Nga Eka.		
			E.	R.	P.
Waioeka	..	335	150	0	0
Waioeka	..	338
Matata	..	39	121	0	0
Matata	..	60
Matata	..	77	10	0	0
Matata	..	78	20	0	0
Matata	..	103	100	0	0
Matata	..	104	100	0	0
Waimana	..	6	38	3	0
Waimana	..	S. 210
Waiotahi	..	19	157	0	0
Waiotahi	..	292
Waiotahi	..	386
Waiotahi	..	388	155	0	0
Opotiki Taone	..	269 me 270
Opotiki Taone	..	272 me 273

J. F. ANDREWS,
Karaka o te Kaunihera Whiriwhiri.